

115 年全國語文競賽臺中市複賽臺灣原住民族語言朗讀文章 【知本卑南語】 高中學生組 編號 2 號

kemangkang na suwan

kazu a marewadi a ma'inay. miturum'an lra na marama'izang. zi kilrawa' kana tu 'a'arus. na maralrak kazu salrangan kana tu ma'iza'izangan zi venaaw za hung. kareminatray nantu ma'izangan. na vau mu mihung lra za saya zi maranger ziya melak kana tu ivilin i temamataw marengay za, ma'ariya ta pavekas. na inganguwayan demikes kana tu trilauk na hung mu, nintaw lra na hung. meredek na maramaralrak mu. i vautaw kemakezeng lra kana hung piyaruma', zi trematrangis izu na maralrak.

kazu a sasa trau mena'u lraman kanizu na maralrak, tu adayaw kantaw tu pakanay zi tu verayay za saya vuyu. meredek i ruma' paekan kana vuyu mu. zuwa a suwan. tu karatraw zi minatray na vuyu. izu na venavaaw kana suwan, tu putrima'ay kanizu na suwan. na maralrak tu kezengaw na suwan piyaruma'. demaway za kangkang. zi tremima' za 'alum. tu adayaw na suwan piya'uma tu pakangkangaw.

tu vulru'ay za sakeret za 'alum. na suwan mu pavekas munganguwayan. maw na mukangkang na 'uma. kazu a sasa maniwan za eman ziya a trau. mena'u za mikinikangkangan na 'uma mu 'azi masalu alra

pakangkanngu pana'u kaninku. nu maruwa kemangkang ini na suwan mu. kuwa verayanay kaninu zaku 'iniwad. na maralrak mu tu kezengaw na suwan tu pasu'ulray kana kangkang kemangkang na suwan. na maniwan mena'u pakumawu lra. tu verayanay kanizu na maralrak za tu iniwad. i vautaw mukuwa kani waditaw. maranger kisepad. 'azi muwai veray i waditaw, i vawtaw mu tu pinatrayaw izu na suwan.

ini na wadi tu trevelraw na suwan. tu kazuwa wariyan mukuwa mena'uwa kanizu na trevelr na suwan mu, temelriw za sarakazan a vasikaw, tu 'ulasay kemalrawlaw, tu hinghingaw mu, mutani a paisu peniya.

izu na vau, zuwa ziya kani waditaw, nu 'emanan mu inkuwa lra na mukuwa kema. na vau mukuwa heminghinga kanizu na vasikaw, mutrerah a tra'i, 'angtrul. melak za tazaw tu atekaw izu na vasikaw.

na wadi tu saksakaw izu na inatek na vasikaw zi tu dawayaw za surunung mukuwa semurununga za vulraw. sazu atu kinarasa na vulraw, zi tu trima'anay i tiyam mipaisu. i vawtaw zuwa kivulasa kanizu na surunung, mukuwa kivulrawa mu a unan a makaratr peniya.

良犬耕田

兩兄弟因為哥哥結婚分家，父母相繼去世，哥哥把家中的一頭牛帶走，弟弟很傷心，有人送給他母雞，卻被狗咬死，狗主人就將狗送給弟弟。弟弟利用牛肉讓狗耕田，路過商人不相信，打賭輸一擔的貨物。

哥聽說，要求分享，弟弟不給，生氣打死了狗。弟弟埋葬了狗。不久，狗的墳前長出竹子，竹葉上的露水一搖，掉下的是銀子。哥哥搖下一堆糞便，就把竹子砍了。弟弟把竹子編成魚簍，到河邊抓好多魚，很賣錢。哥來借魚簍，抓到蟲蛇有毒的東西。